

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva zdravstva Vlada Zeničko-dobojskog kantona, na 129. sjednici, održanoj dana 18.01.2018. godine, d o n o s i

ZAKLJUČAK

I.

Prihvata se Mišljenje Ministarstva zdravstva, po Inicijativi Udruženja građana ratnih vojnih invalida-amputiraca iz Zenice, broj: 128-11/2017 od 13.11.2017. godine, i čini sastavni dio ovog Zaključka.

II.

Zaključak sa mišljenjem Ministarstva zdravstva broj: 11-37-15496-4/17 od 09.01.2018. godine, upućuje se u skupštinsku proceduru.

III.

Zaključak stupa na snagu danom donošenja.

Broj: 02-_____ /18

Datum, 18.01.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo zdravstva,

1x Stručna služba Skupštine Kantona,

1x a/a.



Broj: 11-37-15496-4/17
Dana, 09.01.2018. godine

U skladu sa aktom Vlade Zeničko-dobojskog kantona broj: 02-1-02-15496-2/17 od 05.12.2017. godine, kojim je ovom Ministarstvu upućena inicijativa Udruženja građana ratnih vojnih invalida-amputiraca iz Zenice, vezana za izmjenu Odluke o proširenom obimu prava na korištenje medicinsko-sanitetskih pomagala, medicinskog materijala i lijekova za ratne vojne invalide-paraplegičare („Sl. novine Zeničko-dobojskog kantona“, broj: 4/05), Ministarstvo zdravstva daje sljedeće:

MIŠLJENJE

Inicijativom Udruženja građana ratnih vojnih invalida-amputiraca iz Zenice broj: 128-11/2017 od 13.11.2017. godine, koja je zaprimljena u Skupštini Zeničko-dobojskog kantona, 05.12.2017. godine, zatražena je izmjena Odluke o proširenom obimu prava na korištenje medicinsko-sanitetskih pomagala, medicinskog materijala i lijekova za ratne vojne invalide – paraplegičare sa područja Zeničko-dobojskog kantona („Sl. novine Zeničko-dobojskog kantona“, broj: 4/05). U obrazloženju Inicijative je navedeno da imaju primjedbnu na član 3. navedene Odluke i to samo u dijelu koji se odnosi na cjenovnik medicinsko-sanitetskih pomagala, medicinskog materijala i lijekova za ratne vojne invalide – paraplegičare sa područja Zeničko-dobojskog kantona, iz razloga što je cjenovnik star 12 godina, te smatraju da ga u pojedinim segmentima njegovog sadržaja treba mijenjati. Dalje navode da je povod za pokretanje Inicijative cjenovnik u Tuzlanskom i Sarajevskom kantonu, koji je relativno usklađen sa potrebama amputiraca (nadkoljena proteza u Tuzli košta 6.000,00 KM, Sarajevu 5.000,00 KM, a u Zeničko-dobojskom kantonu 2.800,00 KM) što predstavlja klasičnu diskriminaciju, te da su u eri tehnološkog napredovanja u protetici, sadašnji materijali i sklopovi ortopedskih pomagala zastarjeli, a postojeće cijene istih odavno prevaziđene, te da im isto otežava kretanje i aktivno učešće u normalnim tokovima života, te da bi ugradnja novih i modernijih sklopova poboljšala njihov život. Dalje navode da bi nabavka i ugradnja novih materijala i sklopova riješila probleme amputiraca (karbonska stopala, karbonski koševi, hidraulična koljena, ortopedske cipele, ručne proteze, očne proteze), te dalje pojašnjavaju prednosti navedenog.

Navedena Inicijativa se odnosi izmjenu Odluke o proširenom obimu prava na korištenje medicinsko-sanitetskih pomagala, medicinskog materijala i lijekova za ratne vojne invalide – paraplegičare sa područja Zeničko-dobojskog kantona („Sl. novine Zeničko-dobojskog kantona“, broj: 4/05) kojom se uređuje prošireni obim prava na korištenje medicinsko-sanitetskih pomagala, medicinskog materijala i lijekova za ratne vojne invalide – paraplegičare, koji se obezbjeđuju na osnovu obaveznog zdravstvenog osiguranja u Zavodu zdravstvenog osiguranja Zeničko-dobojskog kantona, kao i način i postupak ostvarivanja ovih prava.

Kako se navedena Odluka ne odnosi na ortopedska i druga pomagala, zuboprotetske pomoći i zuboprotetske nadomjestke i endoproteze, očigledno je da je podnesena Inicijativa usmjerena na pogrešnu Odluku, te da se Inicijativa odnosi na Odluku o obimu prava na korištenje ortopedskih i drugih pomagala, zuboprotetske pomoći i zuboprotetskih nadomjestaka i endoproteza („Sl. novine Zeničko-dobojskog kantona“, broj: 4/05), zbog čega će **ovo Ministarstvo dati mišljenje vezano za Odluku o obimu prava na korištenje ortopedskih i drugih pomagala, zuboprotetske pomoći i zuboprotetskih nadomjestaka i endoproteza („Sl. novine Zeničko-dobojskog kantona“, broj: 4/05).**

Članom 1. navedene Odluke propisano je da se istom određuje obim prava na korištenje ortopedskih i drugih pomagala, zuboprotetske pomoći i zuboprotetskih nadomjestaka, endoproteza, koja se osiguranom licu određuju po osnovu obaveznog zdravstvenog osiguranja u Zavodu zdravstvenog osiguranja Zeničko-dobojskog kantona, te da se obim prava utvrđen Jedinstvenom listom pomagala, zuboprotetskih sredstava, endoproteza i medicinskih indikacija, u kojoj su utvrđeni vrsta, standardi za materijal od kojeg se izrađuju i rokovi trajanja.

Kada je u pitanju navedena Odluka, Zavod zdravstvenog osiguranja Zeničko-dobojskog kantona je 2014. godine, nakon provedene zakonske procedure, utvrdio cijene pomagala koja se nalaze na Jedinstvenoj listi pomagala, tako da ne stoji tvrdnja iznesena u Inicijativi da su cijene definisane prije 12 godina. Prema službeno pribavljenim podacima od strane Zavoda zdravstvenog osiguranja u Tuzlanskom kantonu natkoljena proteza se finansira u iznosu od 2.000,00 KM, a proteza za dezartikulaciju kuka u iznosu od 2.700,00 KM, a trajanje pomagala je 36 mjeseci, bez mogućnosti finansiranja silikonskog uloška sa adapterom odnosno ortogel uloška sa adapterom. U Zeničko-dobojskom kantonu, natkoljena proteza se finansira u iznosu od 2.800,00 KM, proteza za dezartikulaciju kuka u iznosu od 3.150,00 KM, uz mogućnost odobrenja ortogel uloška sa adapterom na 12 mjeseci u iznosu od 1.300,00 KM ili silikonskog uloška sa adapterom na 12 mjeseci u iznosu 1.025,00 KM, a kada se uz navedenu cijenu natkoljene proteze uzme u obzir i pravo na tri silikonska uloška Zavod zdravstvenog osiguranja ratnim vojnim invalidima amputircima finansira iznos od 6.287,50 KM za natkoljenu protezu i tri silikonska uloška ili ortogel uloška sa rokom trajanja 36 mjeseci. Navedeni pokazatelji jasno i nedvosmisleno potvrđuju činjenicu da je položaj ove populacije znatno bolji u odnosu na Tuzlanski kanton.

U konkretnom slučaju radi o sredstvima obaveznog zdravstvenog osiguranja koja se moraju trošiti na propisan način, s tim da se određena dodatna prava kategorije RVI mogu biti sufinansirana sredstvima Budžeta Kantona, putem nadležnog Ministarstva za boračka pitanja, kao što se sufinansira nabavka invalidskih kolica i antidekubitalnih jastuka za RVI paraplegičare Zeničko-dobojskog kantona.

Ministar Ministarstva zdravstva je u toku 2017. godine, održao nekoliko sastanaka sa Koalicijom osoba sa invaliditetom Zeničko-dobojskog kantona, koji su inicirali donošenje izmjena i dopuna Odluke o obimu prava na korištenje ortopedskih i drugih pomagala, zuboprotetske pomoći i zuboprotetskih nadomjestaka i endoproteza, koji su rezultirali usvajanjem zahtjeva navedene Koalicije i dogovorom da Zavod zdravstvenog osiguranja Zeničko-dobojskog kantona imenuje komisiju za izradu Prijedloga izmjena i dopuna navedene Odluke.

Rješenjem direktorice Zavoda zdravstvenog osiguranja od 24.08.2017. godine, imenovana je navedena komisija, u čijem sastavu su stručnjaci pravne, ekonomske i zdravstvene struke. Kao članovi komisije rješenjem su imenovani i predstavnici navedene Koalicije, koji će se uključivati u postupku izrade Prijedloga izmjena i dopuna navedene Odluke. Navedenim rješenjem je utvrđeno da je zadatak Komisije da precizno definiše izmjene i dopune Odluke, u cilju unapređenja i poboljšanja kvaliteta života osoba sa invaliditetom, uzimajući u obzir raspoloživa finansijska sredstava Zavoda, uz obavezno isključivanje i otklanjanje svakog vida diskriminacije osoba sa invaliditetom pri ostavarivanju prava na medicinska pomagala.

Ministarstvo zdravstva posebno ističe razumijevanje za podnesenu Inicijativu, te da je Inicijativa sa aspekta iskazane potrebe za unapređenjem i poboljšanjem kvaliteta života ratnih vojnih invalida opravdana, te će poduzeti sve potrebne aktivnosti vezane za konačno donošenje navedenih Izmjena i dopuna Odluke.

Kako je Komisija pri kraju sačinjavanja Prijedloga izmjena i dopuna Odluke, ovo Ministarstvo iz proceduralnih razloga Inicijativu ne može ocijeniti kao opravdanu, te predlaže Vladi Kantona da usvoji ovo Mišljenje i uputi u skupštinsku proceduru.

S poštovanjem!

Dostaviti:

1x Naslovu,

1x Stručna služba Skupštine Kantona,

1x a/a

MINISTAR

Dr. Dragoljub Brenjo